

2TI - - Bible En Ayizo

2 Timote

*2 Timote*

*2 Timote*

*Wěmáa awego ɔ deé Pɔlu wláan sé dó Timote ɔ*

## **Wěmáa awego ɔ deé Pɔlu wláan sé dó Timote ɔ**

### **Xónúusóqótê**

Wěmáa awego xé ɔ deé Pɔlu wláan sé dó Timote ɔ dî nukɔntɔn ɔ dô nŭ sŭsú mê. Gankpá mê wê e tê dô Hlăma bo wláan wěmáa xé ɔ (2 Timote 1.17). Agun Efézi tɔn ɔ wê Timote dɔ kpláan hwenu deé Pɔlu wláan wěmáa xé ɔ sé dó e ɔ. Timote dô me deé wâ Mawuzó xé Pɔlu lé mê, bo xodo Pɔlu yi tô me sŭsú dó Mawuzó ɔ wútú (Mesédó 16.1-3 ; 18.5). Pɔlu nyó ɛ dô kú mítɔn ko sêkpó, né ɔ wê zón bo e wláan wěmáa xé ɔ sé dó Timote bo ná kplón ɛ dó deé e na

zán gbε dọ ɔ kpó d̄eé e na wâ Mawuzó dọ ɔ kpó wú.  
Pɔlu dọ akónkpínkpan ná Timótê ɔ, d̄ê né lí d̄ô d̄ô  
n̄d̄îd̄î m̄ê. E d̄ê ná Timótê d̄ê né jla Mawuxó ɔ, bo  
kplón n̄ m̄e lé d̄î d̄eé e je xé dọ ɔ, bo só ná é  
akónkpínkpan. Né ɔ godo ɔ, Pɔlu d̄ê ná Timótê kpó  
n̄d̄îtó lé b̄i kpó d̄ê, é né xodo Mawuxó ɔ d̄î mí xá.

**Đeé è má wěmáa xé ɔ m̄ê dọ ɔ d̄ie :**

Gbedoname (2 Timótê 1.1-2)

Pɔlu dọ kpé ná Mawu, bo ná akónkpínkpan

Timótê (2 Timótê 1.3—2.13)

Pɔlu d̄ê xó ná Timótê bo só ayi útɔn dọ n̄ ji (2  
Timótê 2.14—4.8)

Xó d̄eé Pɔlu d̄ê ná Timótê gbɔn godô lé kpó  
gbedoname kpó (2 Timótê 4.9-22).

**1**

## **Gbedoname**

<sup>1</sup> Nye Pɔlu, un nyí mesédó Klisu Jezu tɔn gbɔn jođo  
Mawu tɔn m̄ê, bo na jla gbε mavɔ-mavɔ d̄eé sín akpâ

Mawu dó ná mǐ gbɔn Klisu Jezu ji ɔ. <sup>2</sup> Un wláan wěmáa xé ɔ sé dó hi vǐ ce vénávéná Timɔtê. Fénú, nǔbláwǔkúname, fífá Mawu Tó ɔ kpó Klisu Jezu Aklunô mǐtɔn kpó tɔn né nô kpó xé we.\*

## **Pɔlu dó kpé ná Mawu, bo ná akónkpínkpan Timɔtê**

<sup>3</sup> Un nɔ dó kpé ɔaxó ɔé ná Mǎwu ɔéé tógbó ce lé sên, bɔ nye lɔsú un ɔo sên kpó ayixa mímé kpó ɔ. Timɔtê, un nɔ flín we hwebǎnu ɔo ɔe ce lé mê, zǎn kpó kle kpó. <sup>4</sup> Un nɔ flín avǐ ɔéé a ví lé ; bɔ e nɔ joɔo un tawun ɔô ma le mô nukún tɔwe mê, ná xôme na hun un nǔ jo nǔ tɔn. <sup>5</sup> Un nɔ le flín ɔô a ɔó nǔɔíɔí nǔgbó nǔgbó ɔ ná Klisu. Nǔɔíɔí né ɔ wê anɔwe sín nɔ Loyisi kpó anɔwe Enisi kpó ko ɔó je nukɔn, bɔ un nyó ε ganji ɔô nǔɔíɔí ɔokpó né ɔ wê hi lɔsú a ɔó.

<sup>6</sup> Né ɔ wê zón bɔ un ɔo flin we ɔô hi ne hen nǔnína ɔéé Mawu ná we hwenu ɔéé un só alɔ dó jǐ we ɔ ɔó gbɛ. <sup>7</sup> Ɖó, e má nyí bǔ sín Ye wê Mawu ná mǐ ge ;

---

\*1.2 Mesédó 16.1

amǎ, hlǎnhlón, wǎn-yíyí dǒ ná nɔzo kpó mɛɔejidudu  
kpó sín Ye wê e ná mǐ.

<sup>8</sup> Né ɔ wútú ɔ, kúnnuɔíɔ́ɔ́ ná Aklunô mǐtɔn né má hu  
winnyǎ ná we o. Winnyǎ né má ka ɛ hu we dǒ  
awǔye dǒ un dǒ gankpá mê dǒ Klisu wútú o. Amǎ,  
ɔ́ɔ́ji dǒ Mawu sín hlǎnhlón wú, bo yí gbe bo na sê  
awǔvé xé un dǒ Wɛnɔagbɛɛ ɔ wútú. <sup>9</sup> Mawu né ɔ wê  
hwlǎn mǐ gán, bo yló mǐ, ná mǐ na nyí tɔgun mímé  
útɔn. E má ka nyí nǔ ɔ́ɔ́é mǐ wâ lé wú wê e kpón dǒ  
bo yló mǐ gɛ, amǎ, títo útɔn kpó fénú útɔn kpó wú  
wê e kpón dǒ. E ko bló fénú né ɔ ná mǐ xóxó gbɔn  
Klisu Jezu ji có bo dá gbe ɔ. <sup>10</sup> Diin ɔ, Mawu wá ɔ́ɔ́  
fénú né ɔ xɛ gbɔn Aklunô mǐtɔn Klisu Jezu sín wiwa  
mê. Klisu Jezu né ɔ wê yí acê zón kú sí, bo ɔ́ɔ́ gbe  
jɔmakú tɔn ɔ xɛ gbɔn Wɛnɔagbɛɛ ɔ mē.

<sup>11</sup> Wɛnɔagbɛɛ né ɔ wútú wê Mawu só un xó útɔn jla  
tǒ, bo só un mesédó kpó nǔkplónmetǒ kpó.\* <sup>12</sup> Né ɔ  
wê zɔn bɔ un ɔ́ɔ́ awǔvé xé lé sê ɔ. E má ka hu

---

\*1.11 1 Timɔtê 2.7

winnyǎ ná un γε. Đó, un nyó me ɔeé un ɔ̂i nũ ná ɔ nyí. Un ɔ̂ji ɔ̂ e ɔ̂o acê, bo na hen Wɛnɔagbɛɛ ɔeé e só dó así ná un ɔ káká yí je hwɛɔzangbe. <sup>13</sup> Xó jɔ xó ɔeé un ɔ̂ ná we lé né nyí kpónɔewú ná we. A yí xó né lé kpó nũɔ̂i kpó, kpó wǎn-yíyí ɔeé ɔ̂o Klisu Jezu mê ɔ kpó. <sup>14</sup> Hen Wɛnɔagbɛɛ ɔeé Mawu só dó así ná we ɔ wú kpó alɔɔ Yɛsɛnɛn ɔeé ɔ̂o mĩ mê ɔ tɔn kpó.

<sup>15</sup> A nyó ε ɔ̂i me ɔeé ɔ̂o Azí lé bĩ wê jo un do. Đô me né lé mê ɔ, è na m̂ Fijeli kpó Emɔjɛni kpó.

<sup>16</sup> Aklun̂ né hun xôme dó Onɛzifo sín hěnnúu wú. Đó, e nɔ ná un akónkpínkpan bléblé, bɔ winnyǎ má nɔ hu i dó gankpá mê ɔeé un tê ɔ wú γε. <sup>17</sup> Amǎ, ɔeé e wá Hlǎma ɔ, e dín un kpón kpó vivé dó ná nũ kpó, káká bo m̂ un. <sup>18</sup> Aklun̂ né bló, ná né m̂ xômɛnyínyó Aklun̂ Mawu tɔn ɔ̂o hwɛɔzangbe. Alo tɛnme tɛnme ɔeé e gɔ ná un ɔ̂o Efézi lé ɔ, a má dán ɔ̂e nyí γε.

## 2

## Ahwanyító Jezu Klisu tɔn

<sup>1</sup> Hi ɔ vǐ ce, m̄ô hlǎnhlón d̄ô fénú d̄eé d̄ô Klisu Jezu m̄ê ɔ m̄ê. <sup>2</sup> Nǔkplónm̄e d̄eé un ná bɔ a se d̄ô kúnnuɔɔtɔ s̄úsú nukɔn lé ɔ, só kplón nǔ m̄e d̄eé wú e hen ɔ e na d̄êji dó lé ná, ná é lɔsú na kpéwu bo na lé kplón m̄e d̄ěvǒ lé. <sup>3</sup> Yǐ gbe bo se awǔvé d̄eé na wá ná hi lɔsú lé, d̄i ahwanyító d̄agb̄eε Klisu Jezu tɔn d̄é xá. <sup>4</sup> Ná ahwanyító d̄é d̄ô ahwan m̄ê, bo joɔo na nyó gǎn útɔn nukún m̄ê ɔ, e má nɔ só úd̄é jó ná gb̄em̄e kp̄aa sín nǔ lé ḡe. <sup>5</sup> Mǎ d̄okpó ɔ, ná wezunkántɔ d̄é yǐ t̄enkpón, bo má kán wezun d̄i d̄eé s̄én ɔ byɔ d̄ó ɔ ḡe ɔ, má na kpéwu bo mǎ ajo d̄eé e só d̄ó t̄e ɔ yí ḡe. <sup>6</sup> Glesi d̄eé x̄ô k̄an, bo w̄a azǎ ɔ w̄ê d̄ó na d̄u ajinukún ɔ sín ale je nukɔn. <sup>7</sup> L̄in táme dó xó d̄eé un d̄o d̄ô ná we ɔ wú ganji. Aklun̄ô ka na gó alɔ ná we, bɔ a na m̄ô nǔ je xó né lé bǐ m̄ê.

<sup>8</sup> Flín Jezu Klisu d̄eé nyí Davidi sín tógbóylóví ɔ. E fón zón m̄e kúkú lé m̄ê, d̄i d̄eé W̄end̄agb̄eε d̄eé un d̄o jla ɔ d̄ô d̄ó ɔ xá. <sup>9</sup> W̄end̄agb̄eε né ɔ wútú w̄ê un d̄o

awǔvé sê ɔ, káká bo wá ḍô gankpá m̄ê ḍî jaguda ḍé wê un nyí xá. Amǔ, Mawuxó ɔ ú ɔ má ḍô gan me ge.  
<sup>10</sup> Ú wê zón bo un yí gbe ná nǔ bǐ, ḍó me ḍeé Mawu cán lé wútú. Né ɔ, é na m̄ô hwlěngán ḍeé ḍo Klisu Jezu m̄ê ɔ, kpó gigóó mavɔ-mavɔ ɔ kpó yí. <sup>11</sup> Nǔgbó tawun wê nyí xó xé lé :

*« Ná mǐ kú kpó e kpó ɔ, mǐ na le wá n̄ô gbe kpó e kpó ;*

<sup>12</sup> *Ná mǐ dó gǎn kpó e kpó ɔ, mǐ na le wá ḍû axósú kpó e kpó ;*

*Ná mǐ gbé ε ɔ, ú losú na wá gbé mǐ.*

<sup>13</sup> *Ná mǐ má ḍo gbeji n'ε ge ɔ, ú ɔ ḍo gbeji, ḍó, má kpéwu na wâ nǔ ḍěvǔ ze nǔ ḍě ú losú gbetó ḍô ɔ wú ge. »*

### **Azǔwató ḍeé Aklun̄ô nɔ kpa gbe ná ɔ**

<sup>14</sup> Flin nǔ né ɔ me bǐ, bo ḍô ná é ganji ḍô Mǎwu nukɔn ḍô é né má nɔ ḍô jle ḍó xógbe ḍélé wútú o. Jle né lé má nɔ tón ale ḍé ge, e nyó wâ ɔ, me ḍeé ḍo sê lé wê e nɔ bú ali ná. <sup>15</sup> T̄ênkpón bo nyí me ḍeé je xé bo

Mawu na kpâ gbe ná ɔ, tɛnkpɔ́n bo nyí azɔ́wató ɔ́eé winnyă má na hu ɔ́o azɔ́ ɔ́eé e wâ ɔ kɔ́n ge ɔ, amă, tɛnkpɔ́n bo nyí azɔ́wató ɔ́eé nɔ jla xó nũgbó ɔ ɔ́i ɔ́eé e je xé ɔ́o ɔ. <sup>16</sup> Hɔ́n ná xó má ɔ́o táa ɔ́eé má nɔ gó alɔ ná me ɔ́o nũɔ́iɔ́i mɛ ge lé. Ɖó, me ɔ́eé nɔ só éɔ́é jó ná xó né lé ɔ nɔ ɔ́o sê yi zɔ ná Mawu d'e ji ayĩhɔ́ngbe ayĩhɔ́ngbe ɔ. <sup>17</sup> Nũkplɔ́nme étɔ́n nɔ cí agada ɔ́eé ɔ́o vó ɔ xá. Ɖo me né lé me ɔ, è na mɔ́ Imene kpó Filetosi kpó. <sup>18</sup> É jó nũgbó ɔ do, bo nɔ ɔ́o Mawu ko fɔ́n me lé zɔ́n kú, bo ɔ́n me ɔ́eé sín nũɔ́iɔ́i bú. <sup>19</sup> E ɔ́o mă có, dodonu syénsyén ɔ́eé Mawu só ɔ́o ayĩ ɔ kpô ɔ́o tê. Xó xé lé nyí wuntun bo t'e wú : « *Aklunô nɔ nyó me ɔ́eé nyí útɔ́n lé nyi.* » È le wláan d'e wú bo ɔ́o : « *Me ɔ́eé ɔ́o mí nyí Aklunô tɔ́n ɔ, ne hɔ́n ná nũ nyananyána wíwa.* »

<sup>20</sup> Má nyí agbắn ɔ́eé è só sika, alô ɔ́eé è só akwágan só bló ná lé kéɔ́é wê è nɔ mɔ́ ɔ́o xwé ɔ́axó ɔ́eé gbe ge. Amă, è nɔ mɔ́ ɔ́eé è só atín kpó ɔ́eé è só kô só bló ná lé kpó lɔ́sú. Agbắn ɔ́eé è só sika alô ɔ́eé è sɔ



akwágan bló ná lé ɔ, nŭwíwa ɔe do vo hwenu lé wê è nɔ zán ; bɔ ɔélé ɔ, nŭwíwa kpâa lé hwenu wê è nɔ zán. <sup>21</sup> Ná meɔé hen úɔé dó mímé ji, bo hɔn ná nŭ nyananyána né lé ɔeé xó un ɔê ɔ, me ɔ na cí agbän ɔeé è nɔ zán nŭwíwa ɔe do vo hwenu lé ɔ xá. E na nyí me ɔe do vo, bo na nyí me ɔeé gän útɔn nɔ zán ɔ. E na ɔê gbesisɔmê ná azŏ ɔagbɛɛ lé bŏ.

<sup>22</sup> Hɔn ná joɔo nyananyána ɔekpeme tɔn lé, bo dín hwejiɔ, nŭɔîɔî, wän-yíyí, fífá xé me ɔê nɔ yló Aklunô kpó ayixa mímé kpó lé. <sup>23</sup> Hɔn ná nŭdindɔn ɔeé nyí xó má ɔó táa ɔé, bo nyí xlonɔ xó lé ; ɔó, a nyó ε ɔê jle ján wê é nɔ dɔn wá. <sup>24</sup> Má ka nyó ɔê Aklunô sín mesentó na nɔ ɔê jle ge ; e ɔó na nyí meɔé bo na nɔ dɔn me bŏ dó awŭ, bo na kpéwu bo na nɔ ná kplón me, bo na nɔ ɔó akón ná awŭvé. <sup>25</sup> E ɔo na nɔ kplón nŭ me ɔeé nɔ ɔo nŭ dɔn xé ε lé kpó gbe fífá kpó. Mawu sî bló bɔ me né lé na ɔyɔ, bo nyó nŭgbó ɔ nyî. <sup>26</sup> Hwenénu ɔ, é na wá éɔé mê, bo na tɔn zón awövi sín mɔ ɔeé wle é bo nɔ zón, bɔ é nɔ

wâ joḍo úṭon ɔ m̄ê.

### 3

#### Azăn godô godô ṭon lé

<sup>1</sup> Nyǎ ε ganji ḍô azăn godô godô ṭon lé gbe ɔ, awǔvé hwenu lé na tiin. <sup>2</sup> Đó, me lé na nɔ jódó ḍô míṭon ján wê na nyó, é na nɔ yí wǎn na akwá, é na nɔ m̄ô ḍô mí wê tiin, é na nɔ yí go. É na nɔ nyána nuu dó Mawu wú, é na nɔ fón gǔ dó mejitó éṭon lé ji, é na nɔ dó alɔgodokpé ná me. É má na nɔ ḍó sísí ná Mawu sín nǔ lé ge. <sup>3</sup> Me lé má só na nɔ sê vivé ná gbetó ge, é má na nɔ kú nǔbláwǔ ná gbetó ge, é na nyí menǔḍotó, é má na nɔ ḍû ḍo éḍé ji ge, é na nyí hunnyanató, é na nɔ gbé wǎn ná ḍagbeewíwa. <sup>4</sup> É na nɔ s̄a me ḍû, é má na nɔ lín táme kpón có bo wâ nǔ ge, goyíyí na hú gǎn é. É na yí wǎn ná gbéḍûḍû hú wǎn-yíyí ḍó ná Mawu. <sup>5</sup> É na nɔ nyí Mawusêntó ḍô nukúntáa, amǎ é na nɔ gbé hl̄nhl̄n ḍeé ḍô Mawu s̄ins̄en m̄ê ɔ. H̄on ná me né lé. <sup>6</sup> Đô me né lé m̄ê ɔ, me

délé tiin bo no byo xwé lé gbe, bo no tênkpón bo no don nyonú deé má dọ hlñhlón γε, bo hwegban súsú dọ kô ná, bo jodo alokpa alokpa lé bí no zán lé dọ acê étan glo. <sup>7</sup> Nyonú né lé no dọ nũkplónme yí hwebĩnu o ; amđ, é má ka no kpéwu bo no nyó nũgbó o nyí gbedé γε. <sup>8</sup> Đĩ deé Janesi kpó Janblesi kpó gbé xó Məyizi tan dọ o, mđ wê me né lé losú no gbé xó nũgbó o dọ o né. Nũ nyananyána gbâ táa mē ná é, bo nũđĩđĩ étan má sɔgbe γε. <sup>9</sup> É ma xwê nukon fí dé γε, dọ me bí na wá mō nũ je tádu étan wú, đĩ deé e nyí dọ ná Janesi kpó Janblesi kpó o xá.

### **Nũ godô godô tan deé Pɔlu kplón Timotê o**

<sup>10</sup> Amđ, hi o o, a sê nũkplónme ce ganji, a mō zinzán ce, títo ce lé, nũđĩđĩ ce, a mō hũnkúkú ce, wăn-yíyí ce kpó vivé dọ ná nũ ce kpó. <sup>11</sup> A mō ya deé è dọ ná un lé kpó awűvé deé un mō lé kpó. A nyó nũ deé je dọ jiye dọ Antyoci, Ikonyomu kpó Lisitili kpó o nyí. Ya té wê kpô bo è má dọ na un γε ? Aklunô ka hwlñ

un gán zón bí mē.\* <sup>12</sup> Me ɖeé jóɖó na zán gbe ɖô gbeji níno mē ná Mawu ɖô Klisu Jezu mē lé bí ɔ, è na dó ya ná é. <sup>13</sup> Adakânxotó lé kpó meflutó lé kpó ka na ɖô nukɔn-yíyí ɖó ɖô nũ nyananyána wíwa mē tégbɛ ɔ, bo na no hen me ɖěvǒ lé bú, bo è na no bú élé lɔsú. <sup>14</sup> Amǒ hi ɔ ɔ, hen nũ ɖeé a kplón bo mō ɖô nũgbó wê lé wú ganji. Ɖó, a nyó me ɖeé de a kplón tê lé nyí. <sup>15</sup> Zón kpévi mē tɔwe ɖokpó wê a ko nyó Mawuxó ɔ nyí. Mawuxó né ɔ kpéwu bo na ná we nũnywe ɖeé no zón, bo è no mō hwlěngán gbɔn nũɖîɖî ɖó ná Klisu Jezu mē ɔ. <sup>16</sup> Nũ ɖeé ɖô Mawuxówěmáa ɔ mē lé bí ɔ, Mawu wê só dó ayi me ná me lé. É nyó bo è na zán bo kplón nũ me ná, bo na gbé nũ ná me, bo na ɖê me dó ali ji, bo na kplón me ɖeé è no zán gbe jlɔjlɔ ɖó ɔ. <sup>17</sup> Né ɔ, me ɖěbũ ɖeé no sên Mawu ɔ na ɖô gbesisɔmē tawun, bo na só nũ ganji ná azǒ ɖagbɛ lé bí.

---

\*3.11 Mesédó 13.14-52 ; 14.1-7

# 4

## Pɔlu d̥ô ná Timɔtê d̥ô né jla Wɛndagbɛɛ ɔ

<sup>1</sup> Un d̥o byɔ we vénávéná d̥ô Mawu nukɔn, kpó Klisu Jezu d̥eé na d̥ô hwɛ xé mɛ d̥eé d̥ô gbɛ kpó mɛ d̥eé d̥ô kú lé kpó ɔ nukɔn ɔ ; un d̥o byɔ we vénávéná d̥ó k̥lɛwa útɔn kpó Axósúd̥ûd̥û útɔn kpó wútú d̥ô

<sup>2</sup> hi né jla Mawuxó ɔ, nɔ tɛ d̥ě ε ji hwebĩnu, hwe ɔ nu nyó o, e má nyó o. Nɔ d̥ê mɛ dó ali ji, nɔ gbɛ nũ ná mɛ, nɔ na akónkpínkpan mɛ kpó hũnkúkú kpó, bo nɔ t̥ɛnkpón bo nɔ kplón nũ mɛ hwebĩnu. <sup>3</sup> Đó, hwe ɔ nu na wá sũ, bɔ nũkplónmɛ nũgbó ɔ má só na nyó isê ná gbɛtó lé gɛ ; amǎ, é na nɔ xodo jođo é lɔsú tɔn lé, bo na nɔ kplé nũkplónmɛtó sũsú, ná é na nɔ d̥ô xó d̥eé é nɔ jóđó na sê lé dó tó m̥ê ná é. <sup>4</sup> É na gbé xó nũgbó ɔ d̥ó tó, bo na nɔ d̥ó tó t̥an ma d̥ó t̥aa lé. <sup>5</sup> Amǎ, hi ɔ ɔ, nɔ d̥û d̥ô hiđé ji d̥ô nũ bĩ m̥ê, d̥ǎ akón ná awũvé lé, jłã Wɛndagbɛɛ ɔ, bo w̥a Mawuzó t̥ɔwe ganji.

<sup>6</sup> Đó, nyɛ ɔ, hwenu d̥eé è na só un sán avǎ ná ɔ ko

sû ; hwenu ɔ́eé un na tónnó gbɛ m̃e fí ɔ ko s̃ekpó.

<sup>7</sup> Un fun ahwan jɔ ahwan ɔ, un dó wezun ɔ́eé ɔ́o afônú ná un lé vɔ, un hen ñd̃q̃d̃q̃ ɔ wú. <sup>8</sup> B̃é zón diin ɔ, ajɔ dodowíwa tɔn ɔ ɔ́o t̃e kpón un. Aklunô hwɛɔɔ́tɔ́ dodo ɔ na ná un ɔ́o hwɛɔɔ́zangbe. E má nyí nye k̃éɔ́e w̃e e na ná ge ; am̃, e na lé ná m̃e ɔ́eb̃ũ ɔ́eé yí w̃an ná k̃ôlewa útɔn ɔ.

### **Xó ɔ́eé Pɔlu ɔ́o ná Tim̃t̃e gbɔn godô lé**

<sup>9</sup> T̃enkpón bo yáwũ wá dye. <sup>10</sup> Đó, w̃an-yíyí ɔ́o ná gbɛm̃e fí sín ñũ lé zón bɔ Demasi jó un dó, bo yí Tesaloniki. Klesan ka yí Galati, bɔ Titu yí Dalumati.\*

<sup>11</sup> Lwiki ɔ́okpónɔ gee ján w̃e kpô ɔ́o dye. Kpláan Maki, ná hi kpó ú kpó né wá. Đó, e nɔ gó alɔ ná un tawun ɔ́o Mawuzó ɔ m̃e. <sup>12</sup> Ticiki ú ɔ ɔ, un sé e dó Efézi.\* <sup>13</sup> Ná a ja ɔ, só awu gaa ce ɔ́eé un jó dó nyí

---

\* **4.10** Kolosunu 4.14 ; Filemô 24 ; 2 Kolentinu 8.23 ; Galatinu 2.3 ; Titu 1.4

\* **4.12** Mesédó 20.4 ; Efézinu 6.21-22 ; Kolosunu 4.7-8

Tlowasi dō Kalupusi de ɔ wá ná un. Só wěmáa lé  
lɔsú, dō táji ɔ ɔ, langbazaa deé ji e wláan nǔ dó ɔ lé<sup>N</sup>.

<sup>14</sup> Alesandlu, ayătó ɔ wâ nǔ vivé sūsú xé un. Aklunô  
ná sū nǔ deé e wâ ɔ sín axó ε.\* <sup>15</sup> Hi lɔsú có hiqé d'e  
wú. Đó, e cí tê dó nǔkplónme mǐtɔn lé wú tawun.

<sup>16</sup> Nukɔn nukɔntɔn deé un yi hwe nukɔn bo na dō xó  
bo hwlěn nyedé zón hwe mē ɔ, un ma mō medé dō  
godô ce γε. Με bí wê jó un dó. Mawu né só hwe né ɔ  
kê é. <sup>17</sup> Aklunô wê nō kpó xé un, bo ná un hlǔnhlón,  
na má mō tên bo jlá Wendagβεε ɔ deé e je xé dó ɔ,  
ná με deé má nyí Jwifu γε lé na sê. Bɔ ú wê hwlěn  
un zón kínikini nūme. <sup>18</sup> Aklunô na dē un zón nǔ  
nyananyána lé bí mē, e na hwlěn un, bo na kpláan  
un byɔ Axósúđûtô útɔn mē. Gigóó né nyí útɔn, káká  
sóyî. Amǐ !

### **Pɔlu dó gbe sé dó me lé**

---

<sup>N</sup>**4.13** Pɔlu sín hwenu ɔ, è nɔ wláan nǔ dó  
langbazaa ji dī wěmáa xá.

\***4.14** Hlǔmanu 2.6

<sup>19</sup> Dǒ gbe ná Plisika<sup>N</sup> kpó Akilasi kpó, kpó hwendo Onézifǒ tǎn kpó ná un.\* <sup>20</sup> Elasiti cí Kolenti, bǎ un jó Tlofimu dó dǒ Milê ; dǒ, lanmε útǎn ma nyó γε.\*

<sup>21</sup> Tênkpón bo wá có na avivó hwenu na sũ. Ebulusi, Pudensi, Linu, Klodya kpó nǎvĩ lé bĩ kpó dó gbe sé dó we. <sup>22</sup> Aklunô né nô kpó xé we. Fénú Mawu tǎn né nô kpó xé mi.

---

<sup>N</sup>**4.19** Plisika ján wê nǎ le nyí Plisilu dǒ Mesédó 18 mê.

\* **4.19** Mesédó 18.2 ; 2 Timótê 1.16-17

\* **4.20** Mesédó 19.22 ; Hlǎmanu 16.23 ; Mesédó 20.4 ; 21.29